

Mbevha ya Mahayani na Mbevha ya Doroboni

Tsho n'waliwa nga Jacqui L'Ange | Zwifanyiso nga Patrick Latimer

Mbevha ya Mahayani yo mbo da doroboni u renga mangilasi a maoto maswa. Mbevha ya Doroboni yo tangana nayo tshithitshini tsha tshidimela.

“No tangedzwa, muzwala,” i ralo.

“Ndi zwavhuḍi u ni vhona,” hu amba Mbevha ya Mahayani, naho yo vha i sa khou tou vhona zwavhuḍi. Ya sedza nṱha, fhedzi lutombo lwo vha lwo dzumbama murahu ha zwifhato zwitsetha.

Mbevha ya Mahayani ya ambara mangilasi ayo. “Ingafhi miri yothe?” i a vhudzisa.

“Ndi nnyi a toḁaho miri?” hu amba Mbevha ya Doroboni. “Zwikwetamakole zwo lapfesa!”

Mbevha ya Mahayani ya hoṱola. “Ndi khou toḁa u ya hayani.”

“Zwi a fana a hu na zwine zwa itea mahayani,” hu amba Mbevha ya Doroboni. “A ni borei?”

Mbevha ya Mahayani ya sea.

“Idani ni divhonele inwi muṇe!”





Ya pfa mubvumo u ngaho wa matari a tshi khou
vhudzulwa nga muya na muungo wa zwikhokhonono na u
pfala hu tshi nga hu kokodzwa tshithu fhethu hu kondaho.

“Ri kovhana mitshelotshelwana na zwinoni,” hu amba
Mbevha ya Mahayani. “Na notshi dzi kovhana mutoli na
riṇe. Vhutshilo vhu a difha!”

Ha bvelela tshivhumbwa tsha tshipulumbu tshi penyaho,
tshi tshi khou kungulusa bola phanda hatsho nga milenzhe
yatsho ya mipfa.

“Tshipembenene tshi dzudza zwithu zwo kuna.”

“Naa hone Caracal tshi i ita mini?”

“Tshi la riṇe,” hu amba Mbevha ya Mahayani. “Gidimani!”

Tsha u thoma tshe Mbevha ya Doroboni
ya vhona ndi u fhumulesa ha fhethu.

Mbevha ya Mahayani yo vha i tshi dzula
fhasi ha muri mudenya, fhasi ha lutombo
lwo aṭamaho. “Idanu thetshesela,” i ralo.

Izwo zwo vha zwo edana kha Mbevha ya Doroboni.
“Ndi nga namba zwanga nda tinya tsitsikano ya
vhuendi u fhira zwimange zwa daka zwi ofhisaho!”

Mbevha ya Mahayani yo dzula mudini wayo wa
zwiŋentsini, he ya diphina nga mulalo na u fhumula.
Luthihi kha tshifhinga yo vha i tshi doroboni u renga
zwithu. Fhedzi musi i tshi ya hone, yo vhona uri
Mbevha ya Doroboni yo vha i hone u do i tsireledza.

Mbevha ya Doroboni yo humela murahu fuŋetheni
yayo. Musi hu tshi vha na phosho nga maanda, na
khayo, yo tuwa yay a u dzula na muzwala nga holodeni.

Zwi tou nga ri funa fhethu hune ra hu divhesa.

Ni funa mini nga hune na dzula hone?



Mbevha ya Mahayani na Mbevha ya Doroboni

Tsho n'waliwa nga Jacqui L'Ange • Zwifanyiso nga Patrick Latimer

Zwine ha nga ambiwa nga hazwo

Ni na vhazwala? Vha dzula ngafhi?

Ni nga nanga u dzula mahayani kana doroboni? Ndi ngani? Nzulele ya kutshilele kwa mahayani na nzulele ya doroboni zwi fhambana nga mini?



Tshifanyiso

Ni dzula ngafhi? Olani tshifanyiso tsha muḽi wa haḽu na vhupo ha tsini nawo.



U Vhala

Lavhelesani tshifanyiso tsha vhupo ha mahayani nga vhuronwane. Vhalani hafhu zwe zwa n'waliwa kha masiatari aya ni wane tshiḽwe na tshiḽwe tsha zwipuka na zwithu zwi re tshifanyisoni itsho.




U Nwala

Hayani ha haḽu ndi hone fhethu hune na hu funesa? Kana hu na huḽwe fhethuvho? Nwalani mutevhe wa zwiitisi zwa uri ni nange fhethu hune na hu funesa.



Vhutsila

Shumisani khadibogisi ya muelo wa vhukati kha u ita muḽi wa mbevha. Shumisani zwibogisi zwiḽuku (sa zwibogisi zwa mentshisi), zwithivho zwa maboḽelo na maḽwe matheriaḽavho e a vusuludzwa ni ite fenitshara ya nḽu iyi i no lingana mbevha. Ni nga nakisa fenitshara nga zwipiḽa zwa malabi kana mabambiri a re na mivhala. Tsha u fhedza, shumisani vumba ḽa u tambisa kana vumbavumba kha u vhumba mbevha dzi no ḽo dzula nḽuni iyi.



Kushumele

Toololani tshiḽori ni tshi shumisa vhabvumbedzwa vha re vhaḽu vhudzuloni ha Mbevha ya Mahayani na Mbevha ya Doroboni.

